

Fasihtta

Fuomáš ahte ii oktage vástádus daja ahte dát lea lobiheapme, go juohke dilis ferte čađahit konkrehta árvvoštallama. Láhkamearrádusain seksuálahkkuma ja mánáid birra ii leat vuolggasajis gáibádussan ahte čađaheaddji diđii máná agi. Dábálaččat lea doarvái ahte su diehtemeahttunvuođa sáhtá man nu láhkai sivahallat.

Skuvlla teáhterbagadeaddji fárrudišgohtá teáhteris nuoraidskuvlaohppiin.

Dát sáhtá leat lobiheapme.

- Ráŋggáštusláhka § 295 dadjá ahte lea lobiheapme háhkat seksuála ovtastallama virggis boasttugeavaheami, sorjavašvuođa dahje luohttámušdili bokte. (Fuomáš ahte dás lea gáibádussan ahte teáhterbagadeaddji boastut geavaha virggis). Dán mearrádusa vuođul lea gáibádussan ahte bagadeaddji boastut geavaha virggis, háhkan dihtii seksuála ovtastallama.
- Mánnga fáktora váikkuhit dasa lea go dilálašvuohka ráŋggáštusvuloš vai ii. Dábalaš lea árvvoštallat sudno agi, mo ja goas gaskavuohka čuožžilii. Ráŋggáštuslága paragrafas 295 lea maid sierra njuolggadus mii guoská vuollel 18 jahkásačča ávkkástallan. Jus oahppi lea vuollel 16 jagi boaris, de sáhtá seksuála ovtastallan, seksuála dahku ja seksuálalaččat loavkideaddji láhtten leat ráŋggáštusvuloš dahku.
- Jus oahppi lea sádden seksualiserejuvvon govaid alddis assistentii, dahje assisteanta lea váldán dakkár govaid oahppis, de dat maid sáhtá leat ráŋggáštusvuloš dahku assisteantta bealis. Seamma guoská jus assisteanta lea sádden seksualiserejuvvon govaid alddis dahje earáin oahppái. Ráŋggáštuslága 26. kapihttalis lea dievaslaš visogovva dain njuolggadusain mat gustojit seksuálalahkarihkumiidda.

Fasihtta

16 jahkásaš Noor ja 17 jahkásaš Varvara deaivvadeaba feasttas ja vuolgiba ruoktot anašit.

Dát lea vuolggasajis lobálaš.

- Dannego seksuála vuolleahki Norggas lea 16 jagi, de dát lea vuolggasajis lobálaš. Nu guhká go goappašagain lea miehtangealbu, dat mearkkaša ahte eaba bággehala dahje eaba nagot vuosttaldit dagu.

Guokte gánda addiba eará gándii dohpa ja anašeaba suinna.

Dát sáhtta leat lobiheapme.

- Jus dat gánda gii oažžu dohpa lea dieđuheapme dahje ii nagot vuosttaldit seksa, de dat sáhtta leat veagalváldin dahje seksuála illasteapmi ránggáštuslága §§ 291-294 vuodul.
- Jus gánda ii dieđe ahte son lea borran dohpa, dahje ii leat miehtan dasa, de dat maid sáhtta iešalddis lea lobiheapme.
- Jus lea ahkeerohus gánddaid gaskkas, de dat sáhtta leat guoskevaš.

Rávesolbmos lea seksa13-jahkásaččain.

Dát sáhtta leat lobiheapme.

- Seksuála vuolleahki lea 16 jagi ja buot seksuála ovtastallan vuolled 14 jahkásaš mánáiguin adnojuvvo leat veagalváldin ránggáštuslága § 299 vuodul. Maiddái gáržžit seksuála dagut dahje seksuálalaččat rihkolaš láhtten sáhtta leat lobiheapme ránggáštuslága §§ 299, 304 ja 305 vuodul.

Fasihtta

Gánda váldá anašettiin eret kondoma nuppi fuomášeami haga.

Dát sáhtá leat lobiheapme.

- Norgga lágat eai govčča jagi 2022 muttus erenoamážit nu gohčoduvvon «stealthing». Norgga juristtain lea iešguđet áddejupmi njuolggadusain. Kondoma nuollan čihkosis go lea anašeamen, ii várra ránggáštuvo veagalváldimin, go kondoma nuollan ii mielddisbuvtte veahkaválddi dahje balddihahtti láhttema. Dat várra guoská eanet paragráfii seksuála daguid birra miehtama haga. Jus sus gii nuollá kondoma, lea seksuálalaččat sirddihahtti dávda, ja son geainna sus lea seksa, ii leat miehtan seksii kondoma haga, de dat sáhtá leat ránggáštusvuloš dahku ránggáštušlága § 237 vuođul.

Rávesolmmoš ja 15-jahkásaš deaivvadeaba spillavuodđo-vuogádagas ja šaddaba ustibažžan. Dađistaga juogadeaba álásgovaid.

Dát sáhtá leat lobiheapme.

- Vuolggasajis lea ránggáštusvuloš dahku váldit, vurkkodit dahje juogadit álásgovaid vuollel 18 jahkásaččas ránggáštušlága § 311 vuođul.



Fasihtta

25 jahkásaš almmái deaivá 16 jahkásaš nieidda neahtas. Go leaba čálašán muhtun áiggi, de mearrideaba deaivvadit. Son diŋgo hoteallalanja. Goappašagat diehtiba man boaris nubbi lea, ja sudno nama.

Dát lea vuolggasajis lobálaš, muhto sáhtta daddjojuvvot ahte ii leat ortnegis.

- li goabbáge leat vuolled seksuála vuolleagi. Dattetge sáhtta jearrat manne 25 jahkásaš ii leat fárrolagaid seamma ahkásaččain, go 9 jagi lea stuorra ahkeerohusa go lea nie nuorra, ja várra lea stuorra erohus rávisvuodas.

Gáندان lea seksa oadđi nieiddain, nieida moriha, muhto ii vuostálastte.

Dát sáhtta leat lobiheapme.

- Seksa čađaheapmi lea ránggáštusvuloš dahku go nubbi lea oadđimin ii ge sáhte miehtat dasa.

16 jahkásaš Pia lea fárrolagaid 15 jahkásaš Roariin. Soai leaba fárrudan moadde mánu, ja leaba aiddo čađahišgoahtán seksa.

Dát sáhtta leat lobiheapme

- Nubbi lea vuolled seksuála vuolleagi. Ránggáštuslágas leat dattetge sierra mearrádušat go goappašagat leaba sullii seamma boarrásat agi ja ovdáneami ektui, geahča ránggáštuslága § 308.